

Jodix 130 mg

Jodtableth atovmeovlahkojne

Jis datne nuerebe goh 40 jaepien båeries, nåajsan, njammehth jallh dov leah maanah mah gåetesne årroeh? Dellie datnem juvnehtibie jodtableth gåetesne utnedh. Tabledth maehtieh radioaktijve joden vöoste vaarjelidh atovme-ovlahkojne, jñh edtjeh ajve vaaltasovvedh raeriej mietie åejvieladtjijste.



Mannasinie jodtableth vaeltedh?

Atovme-ovlahkosne radioaktijve jod maahta elmien tjirrh haasenidh jñh gealoereavsan (skjoldbruskkjertel) sijse båetedh gosse deerjeldihkie elmiem njehpelde jñh/jallh deerjeldihkie beapmoem byöpmede jñh jovkemassem jåvka. Jodtablethi gaavhtan radioaktijve jod ij gealoereavsan sijse båetieh jñh vaahram giehpede kreftskiemtjelassem gealoereavesne åadtjodh. Jodtableth ajve radioaktijve joden vöoste vaarjele, jñh eah jeatjah radioaktijve aamhti vöoste.

Gosse raeriem åådtje tablethide vaeltedh sæjhta daamtaj seamma tijjen raeriem åadtjodh gåetien sisnie årrodh 2 dygni raajan. Dan åvteste vihkeles tablethide vårhkosne utnedh gåetesne.

Gåessie edtja tablethide vaeltedh?

Dah edtjeh ajve vaaltasovvedh raeriej mietie åejvieladtjijste. Dastegh atovmeovlahkoe sjugniehtåvva, raerie sæjhta vadtasovvedh meediji tjirrh, sjyötehke åejvieladtji tjirrh jñh sijjesne www.dsa.no.

Gñeh edtjeh jodtableth vaeltedh?

Joekoen vihkeles maanah jñh noerh mah leah nuerebe goh 18 jaepien båeries, dah mah nåajsan jñh njammehtieh tableth vaelthie dan åvteste dej lea stööremes vaahra kreftskiemtjelassem åadtjodh gealoereavesne mænngan radioaktijve jodem kråahpen sijse åådtjeme. Eevre sjjere tsiehkine maahta aaj sjyötehke sjjðtedh dagkeri tablethigujmie geerve almetjidie gaskem 18 jñh 40 jaepieh, mearan dah mah bijjelen 40 jaepien båeries joekoen vaenie vaahram utnieh kreftskiemtjelassem åadtjodh gealoereavesne, jñh eah daarpesjh jodtableth vaeltedh. Almetjh mah leah gealoereavsam bårhte vaalteme operasjovnen gaavhtan eah jodtableth daarpesjh.

Åejvieladtjh sijhtieh veelebe raerieh vedtedh mah årrojedaehkieh mah edtjeh tablethide vaeltedh atovme-ovlahkosne.

NB! Ij tjoerh tjaajalgovvedh vienhtedh jodtableth atovme-ovlahkojne leah seamma goh beapmoelissiedorjesh jodine. Jis biejjieladtje beapmoelissiedorjesem jodine daarpesjh, v.g gosse nåajsan, gihtjh apoteekesne dan mietie.

Man jijnjem edtja Jodix-tabledtijste (130 mg) vaeltedh?

Gaajhkesch bijjelen 12 jaepieh jih dah mah njammehtieh: 1 tabledte (=130 mg).

Edtjh tabledtem njehpieldidh jijnje tjaetsine jallh jeatjah jovkemesine.

Maana 3-12 jaepieh: ½ tabledte (=65 mg).

Juekieh Jodix-tabledtem guektelen. Vedtieh maanese dam aktem ½-bieliem. Maana edtja dam jijnje tjaetsine jallh jeatjah jovkemesine njehpieldidh. Jis daerpies maana maahta tabledtem soeskedh jallh maahta tabledtem tjaetsine pleentedh. Vedtieh jijnjem jovkemesem mænngan.

Maana 1 aske-3 jaepieh: ¼ tabledte (= 32,5 mg)

Juekieh Jodix-tabledtem njieljie stuhtjine. Maana maahta dam 1/4-bieliem soeskedh, datne maahtah dam njeervedh jih bustesne vedtedh yoghurtine, muerjine jallh jeatjah beapmojne, jallh dam tjaetsine pleentedh. Jis edtjh tjaetsine pleentedh: biejjh- dam aktem ¼ bieliem akten klaasen sijse, lissehth ohtje tjaetsiem jih sjoevelh medtie 2 minudth. Baajh maanam pleentegem jovkedh. Vedtieh jijnjem tjaetsiem mænngan.

Maana nuerebe goh 1 asken båeries: 1/8 tabledte (=16,25 mg) pleentesovveme jovkemesen sijse.

1. Juekieh Jodix-tabledtem njieljie stuhtjine.
2. Biejjh dam aktem ¼-bieliem akten klaasen sijse.
3. Lissehth 5 ml tjaetseste klaasen sijse. Nuhtjh möölegestratkem (jis ih stratjkem utnieh, lissehth 2 onnebusth tjaetseste). Sjoevelh medtie 2 minudth, tabledte ij ellieslaakan sjalkoeh, men daate nuekie.
4. Maana edtja ajve bieliem 5 ml utnedh: Sigkh 2,5 ml pleentegistie stratjkine (jis dov ij leah stratjke, dievhtieh 1 onnebustem pleentegistie) jih vedtieh ajve dam maanese. Sleengkh baatsahasse.
5. Vedtieh maanese jijnjem jovkedh mænngan.

Daerpies dalhketjh: Doseradimmistratkjh maahtah apoteekesne åstedh, jallh maahtah onnebustem nuhtjedh.

Maanese seamma veahka vadtasåvva bielelen krööhkestidh mejtie maana lea njammehkemaana jallh ij. Iemielaakan ij leah daerpies maanam dåakteren luvnie goerehtidh mænngan jodem vadteme, men jis datne jueriedisnie maanan healsoetsiehkien bijre edtjh staeriesdåakteren luvnie minnedh. Daate dan åvteste akte ånnetji stuerbe vaahra aadtjen reakadamme maanaj (0-1 aske) lea vuelege stoffskifte, mah jodtabledtem åådtjeme. Maanide mah leah prematureles rekasovveme eah juvnehth jodtabledtem åvteli nåejsievåhkoe 37 mænngan.

Aellieh jodtabledth nuhtjh:

- jis dov lea kaliumjodid-allergije jallh naan jeatjah sisve-aamhteallergije bådjtjeste (tjaalasovveme bådjtjapaahken lissietjaalegisnie)

Dah edtjeh jodtabledth vaeltedh, men bæehtjierdimmien dåaktere tjura dejtie goerehtidh.

- jis dov lea stoffskifte-skiemtjelasse byöroe stoffskiftepryövenassh goerehtidh 6-12 våhkoej mænngan tabledtide vaalteme.
- jis datne nåajsan jih stoffskifteskiemtjelassem åtna tjuara stoffskiftem goerehtidh, voestes aejkien 2 våhkoej mænngan.
- jis dov lea dermatitis herpetiformis (Duhriings skiemtjelasse) maahtah dov njaltjaskiemtjelasse vierrebe sjidtedh mænngan jodtabledtem vaalteme, jih dov båehtjierdimmien dåaktere maahta båehtjierdimmiem staeriedidh.

Dov Leah gyhtjelassh jodtabledti bijre? Vuartesjh www.dsa.no. Daesnie aaj bievnessh gaavnh joekehts gieline: